

竹葉庵文集

竹葉庵文集卷二十

詩二十

吳縣 張垣 商言

乞假集上

壬寅五月迄癸卯七月

拜先兄旅殯於圓通寺

僧舍花開百鳥鳴
一棺久寄最心驚
白頭風雨空牀榻
春艸詩篇是哭聲
便有紙錢陳此會
欲分梨棗又它生
中南山翠如螺髻
不剗千秋萬古情

七月十八日圓通寺送兄柩啓行

蕭索高原騫蚤秋
飛揚月旆度城樓
生惟八口爲廉吏
死只中原葬一邱
白日將沈鴻雁斷
青春已過鵲鴿休
滄浪亭子盤門寺
慘黷風雲一夕收

麥角謠三章謝畢秋帆中丞姚雪門顧修浦二觀察

麥角謠麥角謠潼關四扇城頭高畢公十季鎮其地幕下名士
來如潮麥角遺我送兄葬八水滔滔意無量大川用汝作角楫
季季歲歲無風浪無風浪福祿長歲豐民樂作開府哀絲急竹

盈華堂

右謝秋帆

麥角謠麥角謠匡廬山如天高章貢水門角濤角不沈麥不漂
助執紼來河橋謠君義我心切君是覃溪門下士記憶賤名夾
帑裏招要著屐入花園涼蟬秋感長安市

右謝雪門

麥角麥角在河中流道爲檣兮義爲艣君之情兮似水柔與君
已丑爲同季君歸高臥彭蠡煙虎變豹變矢激弦璽書拜受

天子角郎官聘視驚神仙神仙九轉藥苦辛鹽池未救砂牀貧
天涯哀我無兄弟韓孟雲龍一倍親

右謝修甫

太乙山采藥集二十七首

采藥二首

采藥復采藥采藥上太乙長蝮盤陰湫猛虎攔白日六月有香
會峰峰開石室道人持器械肯驅埽芝朮裹糧從之游艸履布
蔽膝若士雋如鶴賤子小於蝨得藥固可喜無藥亦遑恤豈堪
人班閒養生轉頭失

采藥復采藥太乙連終南上有老仙人紅顏衰石面揮手招要
我松風語小庵仙人無所營仙人無所貪若務求長生禍比貨
色耽魔王齧其頂雷火燒其龕函中盈寶書與子真誥揆揆看
多無字檇昧心憂悞仙人拍肩咲子縛猶春蠶俟子采藥後敝
我洞門三

宿杜永邨

邨中有故人

范光

八十隱君子可哀不我待已先九日歿其子出

邨迎炊黍判雞豕爲言翁病中相思轆轤比幽隧一片石要煩
志慮里漁竿在橋頭螢火出竹裏舊游如平昔長者今已矣生
諳風后陣死爭柳下詠據事以直書報公只如此

王曲

牆頭嘉樹蔭牆下流水鳴竹窗風啟合山碓雲陰晴老人裒
出指點屋後耕耨明王府田畝畝皆香杭城南有韋杜此沿王
曲名封建昧古制佃宅勞編氓母寵庶子貴國富諸王爭不見
河南亂福祿枯同傾

太乙弟一坊

太乙只一峰羣峰守其宅一峰最倚後堂皇半天碧羣峰包門
戶入口妙於窄游山鼓初興嫌不振六翮松露滴涼衫沙響踏
高屐六月有火雲不燒山中客

流水石

一石塞中路百水當石亂水作萬古情不肯一日斷石堅萬古
心不肯一寸爛濯我滄浪纓凭爾青玉案飛雨或飲飲走珠仍
浩漫路滑苔斑斑橋通花粲粲是始太乙湫下流之所貫犇騰
落人屯污濁誰能算彼哉姦臣惇頤名可一歎

湫云云

郭縣神堂寺意惇頤名
且將登南五臺與太乙

興寶泉

石樓架松脊小於老鶴巢磴級到樓下仍麗山頭坳山多不覺
山但與青氣交彌歲人蹠絕窗內生香茅此茅足煮食須借仙
人庖啜泉汜茅香馴鹿行林梢

竹林寺

行行入竹林峰瘦竹爲寺青鸞十萬尾奪彼山石翠戛然天風

來寺高竹偃地人生匿富貴疆造山林僞運去無長季緣空輒
墮淚那知空山中白猿多美睡僮子送酒榼少飲不敢醉塌然
陷空谷恐爲嵇謝類

送鐙臺

山頭多神鐙夜夜生敗屋土人詫驚怪供僧給饘粥此僧不下
山十紀臺上宿黃馘耐冰雪行腳去邦族大言誇長生不受季
壽促哀哉虎入門零碎齧枕幙名不注仙籍寃已填鬼錄求道
先祛魔魔在身有毒償還天地劫糜身卒自辱

送子閣

對閣擇陂陀因山開門戶道人上山來埽地設鐘鼓上塑真仙
像莊嚴作天姥香旛招搖入羅拜接尻股來者求子孫樂於爲
父祖曄淡性命重關門先防虎

遇仙橋

江上遇仙人二月開榴花少女山浮黛老母庭續麻盜賊與龍
虎隱語徵幽遐山禽格格飛野日冥冥斜愴別之去月鼎無
黃芽荏苒廿六載兩鬢增霜華頗似白石翁嬾於升紫霞安敢
不知命鍾乳兼河車躑躅遇仙橋憫默重咨嗟

此述予丁丑所遇及今
二十六季矣

下寶泉

山下泉混混山上泉泠泠天空渺環珮地遠浮瓏玲借此一點
喧喚人百念醒口漱石齒齒手掬花亭亭老猿不妄飲攜子如
丁寧猿久不見人寧與人相爭避我上樹頂梳毛一細聽

上寶泉卽太乙湫

鬱積爲神州漢湧生靈湫神龍不嫌小太古潭中休物物在在
外風雨無呼求凌亂爪痕縮淡沲鱗光浮巨木一千章羅列如

旌旂上天星與斗挂此泉上樓捫蘿頭風眩坐艸心魂愁猛進
弗敢止庶謁昆侖邱

五聖殿

初望送鐙臺臺高塞天帝竭來五聖殿臺小如僕隸小石壘大
石千屯牢萬屯非感坤德厚承受恐不濟譬諸慈母恩襁兒弗
夏替殿廊拾級上行客爲小憩茶壚斫松枝果餅雜柿蒂感是
香會盛士女樂豐歲衣會若不遑遑作燒香計

鷹觜石

一石拔地起側銳而進俛春風到上頭細艸不根土體大人難
欺地高物無件桓桓太公烈釣渭鷹揚古嗒然化爲石大觜啄
貔虎坼裂背星垣皴皴老元圃若張羽翼飛一縑那能取

火龍洞

何以有火龍離位天當中石洞呀然啟鱗甲乾坤紅百沸太乙
水鬼魅吹如蓬那知津液地必藉鑪鞴功埽苔安藥竈冉冉來
仙翁蓬萊千尺浪溺者非英雄手持光明燭直上蕊珠宮

大壘盆壘石一百三十級

橫嶺何逶迤直峰最峩嶸千仞插大昊一寸委窮壑豐州没人
骭大樹連日腳一磴復一磴乃怪天地虐半趾載全身儘意付
孤躍飛不逐鶯鴂走不逮狙獼香火出靈竇笙磬動午閣盤盤
翠蘿纖嘖嘖松子落

青岡坪

大峰開坪左直削數百丈結塞絕竅奧偉矣造化莽且爲藉州
坐脛踝略小蒼坪右俛中原陰陽一氣晃有邨有車馬眼窮只
可想不斷萬山青壓於八水上坎艮羅地軸風雲布天網千里

作總彙半空特撫掌鐵鑾何代鑄足三而腹廣季壽老於人撫之心怏怏

白龍祖師殿有摩崖刻萬曆七年題名

游山訪古刻茲來一無有想彼漢唐人不曾進山口萬曆一行字波磔亦甚醜不如千季苔縱橫石壁厚無心則有壽何者真不朽人如飄風耳風過辨誰某森森青瑤房開軒一酌酒

接引宮

層樓躡珠斗仙花開石壇哀我下界人欲上天風寒塵濁五十載顏渥非如月如何一寸心蓄此千悲歡竭來一徙倚兩戒萬物寬雲淡竹裊裊露靚芝團團何季復重到石屋騎青鸞

孟家齋

古藤一千丈曲磔當我甬天設此胡牀坐聽山頭蟬蟬聲叶清

磬飛集五色蓮

其花開於陸地

花蟲性命小擇地皆能仙雲湫下注山

頭乾無泉土人供茶湯擔水天門邊上下四十里辛苦種譜緣
老夫受杯勺不覺慚空肩

登太乙山絕頂二首

今呼爲南五臺

西華接黃河嶽蓮萬人見太乙障長安隱秀獨北面壇場闕祀
典百姓造銅殿周秦逮漢唐崩另樹畿甸神功養萬物靈貺到
貧賤封巖讓三公香火禱百縣六月乃開山陰厓埽雪霰一上
四十里崢嶸頭目眩男子釋鋤犁女兒施釵釧魚貫上山來峰
頭拜佛院

佛院高如何三楹起危岫言有天風震鐵瓦墮屋廡山角看渭
瀾溝水只寸溜山後接千峰巒光塞白晝如潮亦如濤連連各
犇湊久在天地外不能置兵埃陰壑百萬丈渺爾日光透插表

兩石柱鑿奇千人鏤那得縋而下物理不可究手拇扳扶桑腳
趾踏星宿禹橈未應到天竺塵勝覆境靈萬魅呼樓開百神走
茲游出險絕乃歎關中秀咲我江南山無隣太孤陋

下山見火燒樹而歎之

暝色漸欲興下山山谷深可堪夕陽樹野火燒中心水沃不得
熄焦爛無餘陰已避疾雷劫乃遭東縕侵百季老壽極久斷樵
子吟緣盡不能住烈禍非自尋試聽華亭鶴何似廣陵琴

還宿興寶泉

布衾鋪石牀泉樓不嫌小遠見火炬明尚驚未歸鳥新月雖易
落山空若旦曉泉聲接五更不斷於木杪凭闌獨披裘殘燭猶
未了

再宿杜永邨

愛山乃愛邨邨小風俗淳一日作寓公便是邨中民況此邨中
女吾姪締婚姻團欒艸堂諧骨肉天涯人嗟我墮世網何一不
苦辛甫幸送母葬泣血衰經身今幸送兄殯乞假江湖辰聚糧
不易得哀哉傷我貧有不知我者罵我休官頻兄柩不能歸何
爲手足親感茲桑下宿暫借終南隣詰朝入城市又踏九衢塵

虎負女行

游太乙廟一日之事

虎負女女子高髻梳青絲手攜香籃上山去斑斕叢莽窺伺之
負女跳躍入雲霧父母邨中不得知不得知望女兒去燒香歸
何遲明日邨頭窯角飄紅裙女子坐地淚掩巾母爲挽髮父哀
送重生敘述何酸辛虎不啗嬰兒亦不啗醉人女子非嬰亦非
醉聞說孝順承雙親孝之爲理通鬼神不孝燒香天地嗔吁嗟
乎世間一一不順子安得大嚼指揮封使君

雪門官舍花園角觀察王君

時薰

招飲予於三十六洞

天卽其地也十季重來譙集爲之愴然

登高曾共醉人扶咲指峰頭神女圖

王君畫美人於洞天樓閣之角今已亡矣

何必夕陽芳

艸恨朱簾一帶亦黃鑪

修浦席上送徐夏二水部同季出塞

長征萬里待瓜期五載分明遠別離明日出城騎馬送音書代寄阿翁知

重九日同嘉定錢

坵

石臺孝經開成石經題名

今朝佳節雨冥冥手采黃花拜石經人感浮生無汝壽客工小篆寫子銘姓名苔蘚存蟣蝨天地文章麗日星誇與人閒諸老輩摩厓勝刻萬山青

又題石經題名拓本後

讀碑如吹風風過一無墮我已不見碑人亦不見我千載顯名
人復有大不可惡札文圖災鈍刻石師禍我與錢郎來細雨洗
塵垞手泛重陽酒帽插菊花朵碑頭篆數字端正不敢跛陽冰
在我右安民在我左鋼淡羊頭銳管正狸毛安秦中數勝游斯
願今日果

刻字人爲王景桓

五姪述烏魯木齊風景偶爲口號

踏雪要踏雪山雪喫瓜要吃瓜州瓜錦雞一對嘯白晝高出牆
頭罵栗花

次渭南陸杏邨少府親家宴酒五鳳書院

城東書院敞高臺臺上登臨看渭來枳實無風閒處落菊花有
興醉邊開兩翁冉冉看成客一女亭亭見始孩彈指十季容易
過朱陳原是夙緣該

君生女周歲喪以見子越十一季乃與子十一兒定姻亦夙緣也

魯城南漢石人行

城南石人我老友
年壽風霜貌不改
我感白頭再訪君
君不甚
眉勞久待邨牛礪
肉人摩刀雜沓肩
背相爬搔
飛飛蛺蝶東風
動
淡淡梨花明月高
荒原野祭多良辰
看其祖宗逮子孫
千六百
年人屢換君獨小
篆畱衣痕君不見
千秋亭下兩翁仲
石火
敲殘蕉鹿寢又不見
汴郡古墓石押衙
精靈嘯語妖狐邪
噫吁
戲樂安郡國庶太
守玉棺瓦棺誰不
朽

顯樂安太守則已收國爲郡不稱相當在質帝之後故曰千六百年也千秋亭石壇東有兩翁仲見西溪叢語汴郡周氏墓所石人自稱石押衙見洞微志

孔莊谷農部寅酒眾芳園

爲我花園特啟關
水亭相對水灣灣
栢衙落日三分醉
人與孤
雲一片閒
芝長石牀憐白髮
鶴歸碧樹語青山
江湖菰米誰同
屨若要還家及蚤還

顏九上舍招集樂園

廿年重到此園林賓主相逢太息溪陋巷簞瓢思舊德力田孝
弟証初心屐於老屋鳴秋葉酒共殘碑梟晚禽喜得艸堂落成
後健來勿藥抵黃金

山店

其主人是一秀才

繩牀土鏹旅人驚山店依山半靠城薄酒諒來無久醉癭雞嘯
亦不多聲西風淅米看成凍野竈通泉似報夏聞說今年歲
儉那能衣食仗書生

傳以齊侯遇杞梁之妻弔諸其室杜預注梁戰死妻行
迎哭記以華周杞梁之妻齎哭其夫趙岐注二人齊大
夫歿於戎事其妻哭之哀城爲之崩水經注引琴操云
殖外妻援琴作歌曰樂莫樂兮新相知悲莫悲兮生別

離哀感皇天城爲之墮殖者又曰杞梁殖也又古樂府
有杞梁妻或曰梁妻妹朝日所作梁戰外妻抗聲長哭
杞都城感之而頽遂投水死其妹悲姊之貞乃作歌也
後來小說謂秦始皇時有女姓姜氏夫姓范氏名杞梁
外於築長城妻哭之城崩今臨榆城下石岸數丈曰老
龍頭謂是長城舊址城東有姜女廟像島中有姜女冢
謂殉夫於此今考築長城始於趙武靈王屆始皇三十
三年蒙恬築長城起自臨洮東暨遼海西並陰山以防
匈奴晝警夜作外者相屬故民歌曰生男慎勿舉生女
哺用哺不見長城下尸骸相支拄臨榆在遼海之畔長
城舊址之說不妄姜女當與杞梁妻別是一人但夫姓
范又名杞梁則卹俚之傳會耳此其貞義足可風也賦

詩志之

老龍頭說古長城孤劍猶傳貞婦名齊國不曾封石窮秦皇空
自築懷清廟中春艸存髻髻島上東風是哭聲填海冤禽填不
了年年歲歲可憐情

祥符周君仲迥

世紹

製贈六面印五面刻予與心餘覃

溪莊谷及仲迥姓名又一面頤曰隔千里兮共明月倦
倦之情良足珍重莊谷歸曲阜矣予與心餘覃溪分韻
作詩報謝予得明字又和覃溪兮字心餘千字共三首
豹死畱皮炳有聲班閒所得塵浮名瓊瑤贈遠山河阻文字交
淡性命輕君子雞鳴思不已天邊鴻爪看分明德星要待何年
聚梁范周郎滂昔盟

多謝標名辱品頤親鈐姓氏柙中泥百季咲我栖栖者一夕懷

人渺渺兮醉裏和詩眉檢束病中扶杖慎高低謂心餘五君同詠

誰歸蚤新闢花園賦讓西

莊谷賈眾芳園葺之燕出山之志矣

未識鸛鵲孰後先要將駟駟卷中傳合來人數星成五分得詩
才月印千同傳韓非勞比例大名諸葛屬空縣一鑑且共妻孥
語江上漁蓑好雪天

覃溪刻蘇詩補註成以詩志喜屬爲和韻

吾家先世吳興人百季遷徙爲吳民施

元顧禱

兩人注蘇者三

生瓜葛同鄉親覃溪補註成八卷同官同巷辱比隣歲朝眎我

初印本墨氣盎盎梅花春梅花開在峨眉頂六百季來香絕倫

倉暫會客誰顛鳳賊私陷人比泣麟

此謂元之

不如光福魚米賤

達者辟世繙書晨

此謂顧禱

東坡於世何嫌怨小人作祟往往頻黃

州惠州儋州日元豐元祐元符辰王介甫與章子厚富貴一一

吹作塵傳鏗奎光有餘火大海玉局能通津君不見朱開府

季季采薦滄浪蓴又不見翁學士卷卷收得珊瑚环漫莊小集

亦行在

顧詩一卷曰志道集今增以行在

日月江河萬古新

次韻覃溪魚門 文淵閣直廬作

澹沲韶光及令辰玉池冰泮皴鄰寶花照耀

龍文富

四庫書多鈐

御寶寶上
覆紙曰寶花

講殿周遭碧樹新半水半山雙白鷺同官同直兩

詩人小臣記憶曾陪 譙在假經季負好春

陶南邨輟耕錄言趙葵齋落水蘭亭今藏吳中分湖陸

氏子撰落水卷流傳在系因補其人在李邦寧之後白

面三之肯題詩志之二首

角覆昇山波浪長幾家能有永和藏欲將寶帶橋頭水芳芷春

蘭薦陸耶

最惜分湖有舊盟艸堂一水兩湖平淡煙斜月虛窗影不盡千
秋萬古情

分湖在今嘉善半屬吳江一名汾湖張堯同詩如何一湖水半秀半吳江

詠邢房悟甫生圖

房相嗜琴人悟是永禪師東坡愛方外廢詠破琴詩惟古豪桀
士祿相皆有基入世不諳用剉阜染素絲人來古松下炊熟黃
粱時悔不如甫生一衲巾鉢持尚嫌解文字名姓爲人知緬彼
陶隱君無絃頗自怡廬山有遠公招手風月期賢愚要同盡達
人求不飢生可忘富貴死亦鮮瑕疵如何董庭蘭攬結遭羣疑
心餘病中見示近作喜其無衰憊之氣寄此詩以志相

勗云爾

詩如真人息內斂外始有菁華養不涸神光炯可久先生感風
脾一歲不能走如鼈奠天極似蚊荷山阜慣握五色筆偏不良

於手蕭展廣長舌偏不良於口乃其腸胃蟠璣珠與瓊玖長窗
安研席春風對藥臼賢郎詞察之聞聲字某某以兒作通譯以
兒代擊肘牛濕萬弩彊虎號八風吼藏園廿四詠何曾似病姿
讀之喜不寐望公壽黃耆若要齋精氣必先斷牝牡觀空本無
色方丈素離垢君書齋曰離垢方丈焦吐瓊山穀脰生玉池藕達人揣世務
一一脫枷紐願三復鄙言耦耕歸去耦

崔嫗姓梁夫爲武弁旣寡兄嫠驅之不嫁傭子家十二
年而歿年七十四買棺殮之

辛勤療病逐時添十二年中數米鹽生性老人知儉嗇毒涂苦
事是貞廉一棺埋汝同夫穴野祭無兒託里閭自古賢愚無不
歿生勞歿逸又何嫌

後園看紙鳶

晴雲天半與爭高拍手兒童咲一遭風裏升沈原不定幾頭牽
引又何勞可如鸞鳳能舒翼不信鷹鷂也落毛斟酌治顰春酒
共小園綠色在蓬蒿

送陸月叔直閣同奉詣盛京安設文溯閣四庫全
書二首

開運山高仰

祖陵迢遙祕閣插峻嶒易詩書禮傳金鑑日月星辰布玉繩
大海朝宗天下秀宏文致治

聖人能多君排比籤函熟真到雲霄第一層

四庫編摩屆十季貯書文溯繼文淵

祖

宗開勑思松杏天地平成識淵漚此去綠河三月好要看黃道

五雲連旌旗驛路儒臣寵名姓詩篇蓋世傳

題畫斷筇

細雨長鑱著屐遲此君風韻勝花枝江南未到櫻桃會日日僧樓燒筇時

趵突泉

山頭之瀑通山腰自上下下山中漂此泉平地地下而上其勢以逆神理超雷聲雨聲若鼎立水氣雲氣當窗驕江海尚傳潮有信爾莽汜濫無昏朝名泉四百七十八爾爲鼻祖能迢遙旱乾力得爾之濟淫潑禍豈爾所招煮茶風鑪處處火湔裙水閣家家橋落花被流入門戶細石相齧生笙簫一城士女在一水它郡無此風光饒我來適逅白鵲二亦浴亦舞嬉而跳午時地肺珠槃動秋日天心銀葉搖要借淋漓露光怪何免瞽眩增煩囂

人閒忙不如閒好古井無波萬慮消

大明湖荷花二首

七月荷花秋水痕花高水淺易消魂紅紅白白開多少可是從
前舊藕根

花開落子水生波水國蒹葭最產荷彈指卅年顏鬢改紅花已
少白花多

題陸青來方伯南輦誓墓圖二首

若堂若斧哀溪沙新兆蘆墟第一家祖有精靈大椿樹兒無泥
滓白蓮花丁年霖雨因時出丙舍嘵痕入夢賒昨夜秋風起天
末吳江江上艣伊啞

南輦瞿休重此公分明晚節誓詞中一錢不載江南去二品仍
然研北窮上匊未回寒食近讀書有蒼艸堂空廿年舊雨挑燈

諧我最西華失父同

同青來晚步西園采葡萄薦酒二首

不見栽花罨粉廊不聞斟水響芳塘先生不是關園客合放亭臺一半荒

葡萄秋熟報園丁也付賓廚酌酒應幾個官歌舞夜短樂能點讀書鐙

荷澤令同季謝君

肇洞

寘酒歷下亭

水裊城隈亭裊沙一湖秋色幾人家同季寘酒招船渡廿載題詩看鬢華鴨踏蘆根高似鶴黿游蓮葉小於蝦單椒秀澤牆頭景何處風光一笛斜

小黿如錢大湖中所產卅季角與檜門先生泛舟每以童子吹笛相隨

大明湖產小黿如錢大者潘生買兩頭相餉偶爲詠之一湖魚鼈水連天方寸元夫結網遍刮得氈毛能細細戲來蓮

葉號錢錢不堪名物僬僥欲問窮通太卜憐墨海研池生趣
枉歸看兒女詫鐙甫

畜兩龜於荷花缸中小僮盜其一詭言神化搢土求之
不得其蛻復爲詠之

江湖淺水未安居塵土餘生豈太虛敝轡百季如并鮒校人一
咲又池魚廚中失盡看封識匣上尋弓可歎歔一事差爲靈蛻
累缸花斲斷好芙蕖

顥二妃廟二首

翠竹娟娟玉女扉林花片片白雲衣如何鐙火神絃曲不祀三
妃祀二妃

蒼梧風雨幾裴回妃有千秋萬歲哀那道世人歡喜極相攜女
娣進香來

竹葉庵文集卷二十

竹葉庵文集卷二十一

詩二十一

吳縣 張埏 商言

乞假集下

癸卯八月迄十二月

後園看剝棗

出門四十日棗熟過牆頭曉露全家飽閒雲一樹秋兒童荒塾課鳥雀梟林幽爲圃吾將老農書細校讎

後園采扁豆爲晚餐

豆莢多風韻沿籬裊裊花癢來能入畫淡處並宜茶細雨青蟲迹黃昏活火芽食單論飲饌幾處五侯家

中秋夜後園樹下點鐙

似此良宵景千金買不能既然有兔月那得少羊鐙老與風光戀衰防疾病增曉鐘遲莫打醉裏曲闌凭

鼃鼃

小蟲多乞食爾智仗空縣如磨團團走抽絲乙乙牽殺機能破
網餓口漫垂涎靜閱乾坤理支頤一惘然

蝙蝠

服翼斜飛夕虛廊宿火親偶同小兒女閒語古仙人喜入秋蟲
隊猶爭元燕晨涼風在屋角恩怨總非真

螻蛄

一屋秋燈曉天螻飛復鳴塢鬆穴未定風冷蟄初驚打檻有林
葉隔牆同月明吾心無擎歛萬物感淒情

重陽對鞠居十月猶未衰謝吳中信來內兄弟蔣生玉
篆又陶皆已物故不勝寥落之感成長句十八韻

秋老林枯樹見霜窗明鞠午室生光耐寒十日又五日倚壁澹

黃變淺黃昨夜吹風飛白雁數枝編竹插蒼簣餐分天地騷人
秀運與胚胎月令長一削冥冥隨萎墮眾人噴噴獨芬芳瘳非
無豔千花上開不爭先半歲藏桃李漫尋驚蛰蛭蜩葭葭合付野
鶯鶯羅含宅畔疎疎蕊陶令籬邊短短牆鋤地不硯分細種灌
畦微暝趁初陽相知斷岸孤邨外冷眼閒雲野寺旁曾約故人
簪鬢去可無健筆寫詩忙橋請因名呼渡船光福佳節登高塔上
方上方山有塔吳中登高於此也三尺白魚看入市一拾紫蟹不盛筐膽餅供爾粗
裁翦畫橐懷人費忖量兄弟布衣多外器花枝錦繡總淒涼隣
園幾個園丁老舊宅無門宅艸荒謂上沙婦家園亭虎邱程氏園亭西隣王氏歸田園居雨雨風
風肯度醉零零落落少牽場人閒此恨有如此坐對瓊葩訴感
傷

鞠華八首

鞠華等待重陽開重陽不到鞠空栽兒子攙扶過僧舍葉肥華
瘦少人來

街頭人賣重陽糕老夫布鞠堂之坳橫橫斜斜雨風飈不縛一
枝青竹梢

古人種鞠只黃華今人華樣多於麻紅紅白白有如此蜨蜨蠶
蠶不許譁

白日看華不肯休黃昏看華華影稠山妻秉燭亦好事庀棹溫
酒同醉游

賣菜人言夜有霜收羅鞠朵闕淡房伴我十日五日醉莫說西
風恩不長

先人愛鞠臥東籬今日悽愴霜露時我亦戀華華戀我憐兒蕉
萃鞠能知

采鞠爲糧有落英辭官罷俸似編氓晚風細雨關門夜一幅寒
衾心太平

先生晚節宜於晚不喜三春桃李枝那道嫣紅孤絕品又偏十
月最開遲

微雪對鞠錢慈伯檢討書來論詩寫寄四韻

萬象蕭條桃李無文章正色不能枯老夫欲以花爲壽十月初
看雪似酥迢遞千季香艸思招要三友歲寒圖論詩落葉彤雲
晚吾有芳隣道不孤

次韻答慈伯雪三首

初冬纔集霰小院已成泥雪亂夕陽樹梅先春水溪邨隣茅簷
釀湖畔竹樓顚何日真歸去如禽返故栖

寒天復寒夜憐女又憐兒閨閣鍼縫急冰霜酒沸遲債償子母

宗長興
梁天監

券歸裴遜
債初畢逋積弟兄詩此詩遲十日而答若論廣長舌陽秋不及伊

羣動一時蟄而知天地寒鴨熏鑪火燼貂輓鏡臺安餐有一枝
鞠心同九畹蘭廿季今舊雨彈指足辛酸

修華嶽廟五鳳樓得其磬石是楊凝式題名書一絕句
於後

磬石新移五鳳樓此君癸巳幾季秋凝式題款或書癸巳當是梁武帝天監十二年凝式已仕于後唐不知義何所屬
若非喚作楊風子那歷梁唐晉漢周

寄壽王述庵臬使六十

滇蜀兩用兵詩人在戰場雲松翅與璞角卷軸皆鏗鏘先生
終其局一一揆虎狼追隨大帥後滿浥功臣鵠生蝨積盈胄汗
馬多流淥皮船半空墮雪山如天長腳踏人不到詩非世可囊
銅鼓西風急玉壘明月涼幕府或失警出帳觀機槍隆隆復獵

獵半夜刀劍光

此言木果木之役

先生坐杼歎智勇何騰驤而時太夫人

八十門閭望投杼召風鶴噬指愁衣糧世事或錯迂天道難付
量惟先生精誠幹補人倫彊王事非靡盬慈顏益壽康甘泉捷
書捷寶釧香醪香

天子旣郊迎老母亦下堂攜兒坐牀榻看面洗衣裳昔曾饋桃
花今喜燕金創那有幾尺喙能語千肝腸於是先生喜出詩理
篇章忠臣兼孝子此心無欠傷名位海通顯臺閣稟紀綱關中
吾舊游土厚民淳良德以陰德最刑致無刑祥記當殺賊時力
大刀有鋼今遇讞囚日心細筆不芒願采玉井蓮持祝壽未央
早編名山集以爲長慶藏西華並匡廬龍虎守上方扁鵲幾千
歲鬱鬱長季芳

招胡書巢太守小集覃溪以讌新門生不至

卅年蕊榜兩同年相對靈光亦可憐
有我蓬蒿埽荒徑誰家桃李會羣仙
仕頻三已孤飛鵠名戀千秋幾足蛇
九九還要翁學士分湖平遠語湖煙

軍溪書巢同季也書巢將買宅於秀水故云

錢慈伯檢討招同馮魚山編修小集獨樹軒分得疎字
空庭獨樹影扶疎置酒殷勤翦燭初
詩以鳴冬驚鶴鶴寒猶矻月弄蟾蜍
佳兒課塾畱殘本好友題門慰索居
記與侍郎譚甄日輪今有腳竟何如

子與籀石侍郎在陳伯恭齋中醉歸中道侍郎忽下車指車輪顯子曰詩之妙如輪之圓也頃慈伯詩來自批其後曰此詩如車輪之圓乎故戲嘲之

論詩答友人四首

雲松退老心餘病灰撥陰何並可傳
我與先生過五十生才難得要相憐

昨見黃生仲則

景仁

詩欲刪遺稟淚先垂生相輕薄外珍重豪氣

哀情兩不知

仲則存時子頗不愜其詩

咲嬉怒罵宋熙豐不與開元天寶同誰與金月庾信是而今只說少陵翁

薺微勺藥女郎花梔子枇杷大樹誇此際要從規矩入無言元妙便成家

論詩答慈伯四首

龍門峻極三千丈鯉訓傳無一二言長水侍郎才調別珠穿九曲見河源

籀石先生

李陵蘇武雲卿比絕代心餘是可人那見小詩傳畢曜近賢風雅獨存君

飛騰綺麗要相連老劇風情始放顛音韻清諧程校理

晉白頭

蹤跡意茫然

魚門時乞假至濟南

吳儂水調定風波入破聲聲未必多七字好詩忘不得昆侖能
到始知河

慈伯句也

趙雲松觀察刻詩廿五卷成予至廣州是九月今卷中
喜吟薌至詩云故人來及荔支時當是刻詩時補作故
記憶不真予別雲松十四年題此卷後寄懷

君經兵備貴西去卷裏新詩我未看熟過荔支風雨思老尋常
棟弟兄寒要能滴粉搓酥淨原覺團花簇葉難少有才名成大
集今如相對並衰殘

論詩有感有僂人寄心餘也

卷如束筍問詩來意倦心慵不欲開恐著微詞招怨喙防違直
道誤英才先生已作彎弓的賤子原非近斗魁爲感腳跟無處
所敢將嫚罵作喧呶

有欲嚴刪亾友之詩者故題

刪詩宜古不宜今莫爲時賢枉用心九地理魂皆碧艸一鑪換
冶豈黃金誰工清廟明堂頌等是山花木葉吟容得完全存睨
柱何須零碎割題襟

書巢次韻見遺疊韻奉酬

桃樹元都種幾年桂叢漫作小山憐重鋪棋局鐙角語已過雷
霆劫後仙白髮迢迢如語鶴新詩追逐亦鳴蛩使君識賞從頭
數海氣蓬萊閣上煙

寄魚山二首

吾愛魚山才筆豔蛟宮貝闕海東頭中間寂寞騷人出無數咿
啞蠻女謳牡蠣牆邊多寶院素馨花畔弄珠樓菁華稱得乾坤
秀纔學文章第一流

近賢猜謎欲專家活剝生吞老杜誇似欲崢嶸出平易多防鉤
棘損清華卷中要有其人枉靜裏能知一字差惆悵與君論詩
律濛濛神霧隱仙查

冰豆腐二十韻

豆鬻市人貴今多不作糜

糜即鬻也

石膏乘熱點

點豆腐方言也必用石膏

麻縷濾

將爲炯炯凝酥白方方切玉時誰家誇作贊

虞道園有豆腐三德贊

高會特

題詩

尤展成彭訪濂諸君有豆腐會

崔臬荒邨有

諺以麻崔豆腐處處皆有

雞聲曉磨知客餐非所

怙婢買不嫌遲天正冰霜候廚專鼎鼐司如何參變化故以助

神奇截片如肪薄鋪平與雪宜似承仙露迴欲博野風吹不爛

堅其骨先生朵以頤漉教溫井汲沸共午煙炊水火窮迴薄炎

涼待轉移蠶窠甜瀉蜜鍼孔細容絲醬滑穿中入薑毛擣末施

貧家無十錦

吳中有十錦豆腐

寒夜託孤匙戢戢銀魚亂晶晶石乳飴自

然供淡泊亦足啜糟醲腥血因齋眉齏鹽被虫嗤食單顯此味
冬讀樂書帷

醅菜十六韻

春啓園丁健燠深雨甲肥蛤蜊盛酒薦蜩螳滿花飛一一臺心
把青青景色非入冬論旨蓄上市趁朝暉遂見雙輪載相爭一
秤依清渠淘屋井白版晾門扉入罌彌消縮封鹽聽指揮不宜
歌舞罷獨喜月鐙歸梅引寒窗咲霜濃別院威尋香知酢淺餐
秀暈黃微斷蕩渾無節連筒必破園婢嫌撈覺冷我以淡忘饑
始愛涼宵永而知熱境非含脉冰沆瀣餘唾溼珠璣食因原時
命椎牛漫禱祈貧家誰敗甌齏齏意猶違

雲松集中有吟薌邀游石湖詩鄉未見也蓋亦後來補
作是日別船置酒請其太夫人同游而子母以穉孫出

痘未與會今雲松與予俱爲無母之人緬懷舊事不覺
雪涕補和原詩寄之二首

酒似百花蜜榆吹三月錢相尋一湖水不見古人船詩誦田園
興山分寺郭煙此時羣屐會獨我與君偏

風光彈指過畫燭滿湖風姥共仙人馭兒皆白髮翁文章半寥
落出處未全同音信今頻斷誰盟鷗鷺中

與慈伯往復酬韻共得五首

詩小限於才如資不及格初以紇干崔原無大鵬翮春花高過
樓秋蕪不沒屐室有嬰妮嬰勇豈搏烏獲循覽古大家令學驪
領摘珠非易事腳無龍宮迹目眩復心驚但見浪頭白乃謂
必無珠嫚罵無揀擇嗚呼天下寶多自辛苦積不見照乘來奇
光盈十尺

和顓不次韻元白最合格降及皮與陸高名頗振翮吾愛蘇端
明海頭著雙屐和陶不學陶神妙天所獲大家盛瑕疵不畏淺
夫摘小家要媚淨累不容鍼迹亦覲可憐傳矻矻屆頭白販豚
鬻脂翁勤儉有師擇倉庫莞鑰佩衣食銖兩積若闕金谷富珊瑚斷幾尺

物細受苦勞如蠅穿紙格颯然天風御采鳳舒六翮哀哉操土
音歌詩獨點屐雖謀一字安那得全篇獲仰梯長庚星不許蹇
人摘俛瞬坳堂閒盈盈水蛭迹火正祝融離海波陽侯白吹燭
而拈溼自誇慎所擇人壽果幾何空手一無積長狄廣九畝焦
僥只三尺

君家老侍郎

錢載

飛騰好詩格明明棘猴端翩翩木鴟翻笨伯鈍

語下齒亂或折屐維予不受嚇所聞多荆獲侍郎見我詩亦無

輕指摘檢討愛矩步戰戰巨人迹心小絕無膽皁染再不自詩
當神興時好句豈自擇上林春風動瑤臺萬花積一層復一層
花樓高百尺

君畏大家詩畏其刀劍格予惡小家詩惡其假毛翮一官各貪
薄老矣幾兩屐此事尚瑣瑣何者能弋獲風濤與霜橘十季手
未摘明月照薜荔似有幽人迹江水沃梅花想見千林白長哦
遣旅愁薄酒無所擇感念古時賢一一劫塵積誰傳誰不傳姑
弗律繩尺

隣宅二十韻

子季十一二侍先祖母居先叔父紙廊巷故宅隣有金氏者其
嬭以母事先祖母亦珍愛子有二姨皆二十許麗人每餉子餅
果有小婢曰大奴奴季與子相若嬭視之妝飾豐觀自呈嬭前願委身于子先
祖母以子季小未投室謝焉此後奴奴輒引去不數見金翁殺家園零落奴奴不
知所適子時童叟不知種情今爲感舊賦詩云

奴吳人積如擊之去聲

歡情隨齒減往事閱季長曾記兒童日相尋歲序芳隣居崇政

里門巷集賢坊翁姥如中表風光滿洞房護寒天竹秀霽雪蠟

梅黃餅餌堆槃有金錢拜節償

吳中賀冬至賀新季日拜節

兩姨高綰髻一婢淡

梳妝勸酒多同席歸燈只隔牆爲分榛栗怕每帶麝蘭香旨女

三絃歇陞官一局忙

陞官圖也

竈觚求利市屋角趁迷藏撇掠拋金

釧從橫踏繡牀輸來龍眼荔贏得虎睛餠不覺親嫺散俄驚第

宅荒搏沙春夢短劫火古人涼長日看南至東風又一場綠陰

迂寂寂團扇欲偃偃縮地寧重少

去

飄流不可當姮娥添白髮

花木換青陽若个朝雲女何堪算雨娘

菱蕩浜二十四韻

母姨適張氏者居菱蕩浜與虎邱近夫婦並鍾愛子子年八九歲多游其宅或留三五日子欲買紙薦張翁便

買大丈餘者長梗風輪令健夫數人放之野中爲戲游虎邱買諸弄具或積至萬錢不恰今並姐謝詩中所述四十季用事也

浜與金閶近魚鹽百貨區高樓臨大野一水接通衢中有盧娘

宅相過范舅俱荷衣纔學拜花榭正芳敷媼衰爲加剝翁牽聽

挽須能真懷裏寶欲比掌中珠兒以嬉春健天教霽景無出門

攜紙鶴

吳人呼紙鶴為鶴

著地具茶鑪箏響張弓急

風箏似弓有弦

鐙紅映月孤

鐙

也

萬錢供戲弄

一日儘歡娛

吳中正二月賣小櫻如豆大也

錫香嫩似

酥化生堆絹細

或以火漆或以米粉或以泥工細者通神作頭面堆絹作衣褶

假面定場殊七里連山店

虎邱山塘

西洋徧畫圖花籃櫻綫結竹刻篆文摹

刻大竹斲平以裏為表篆刻字畫為挂屏諸件

遇城隍會

清朔有城隍會

羣奔大小巫騎角喧鹵簿隊裏擁笙竿綠柳隨

橋轉緋桃入澗鋪歸船人彷彿夜燭岸招呼孝綽多中表牢之

並友子青紅聯衣著梨棗讓槩杆老作姻親憶貧艱仕宦途夙

虛臨墓兆生少寄香菇

片人詩手帕麻菇共綫香謂贈遺之物也

慈母同懷盡

男氏亦

頻年

遠淚枯斗壇鐘磬地忍亦到荒蕪

男家家庭先母會重葺之

上沙婦家園亭二十四韻

園為公婦曾祖蔣度友先生之別墅真水木明瑟園比隣何學士焯題扁曰未嘗不樂子

送婦祖辰州太守葬會于此後十季先兄偕游靈巖天平婦兄弟玉篆又陶與俱夜宿此園園丁某姓傭蔣氏數十季已有貲聚其子讀書韶秀令入坐同飲酒其母聞

優禮其子喜甚益出肺果佐酒予與二蔣生醉臥先兄獨步花徑頗聞見嘯喚子三人醉不能醒明日述之以爲笑樂今四人獨子在耳能不惘然

明瑟名園接東西對戶扁橋通春澗山屋倚眾山青一一開花
圃疎疎界竹亭子孫在 cities 臺榭付園丁七月消炎暑何人蠟

屐經擬乘秋水渡借宿綠莎廳三徑賢花萼雙飛老鵲鵲張帆

卅里近閒語一船聽未暇論詩句先謀負酒餅役人朱林勇健負酒二罇以隨琴臺

在靈巖朝翠好茶磨名嶼午煙冥易路千梯上朝真萬笏形在天下

坡催晚磬有火動昏星邨巷春聲急書郎塾課停殺雞爲黍食

乾脯雜魚腥半夜闕芳塢循軒敞畫屏芭蕉連野筍科斗亂池

螢落拓今宵醉躊躇昔夢醒館甥同會葬賓舊略彫零涼氣風

侵慢斜光月入櫺真聞山鬼嘯豈是艸堂靈燭淚如人淚金銘

與石銘雲煙總過眼芝朮幾遐齡我欲騎黃鶴因之訪北溟大

波軒立處聚散此浮萍

虎邱程氏園亭二十八韻

先外姑程氏之家園子與公婦同游寓其園樓十日外姑並攜諸女來去虎邱無半里夜

半連磴上山子語婦曰何如唐昌觀玉蕊花下仙妹婦咲曰恐一隊山魃出沒耳時頗以為歡樂後一季子入京遂與婦永訣婦公後子感念之撰資書館悼亡詞一卷此詩補資書所未及云

園小傳名勝亭臺對武邱日光分塔午水色到牆浮花落千胡

蜨門開一白鷗每看入東寺

唐有東西寺白居易題東虎邱寺詩云怪石千僧坐靈池一劍沈則知今寺乃東寺也

到此

始迴角勺藥春殘盡櫻桃子亂稠全家攜鏡具小婢卷簾鉤十

日尋閒眺比肩必倚樓布帆多歷歷江漲閱悠悠

自郡城出許墅關行舟多自園外過

樓上望見風帆

肯歲臨南浦令人欲白頭儂今惡離別君去莫淹留斯語

三生約寒煙一倍愁光威嫺雅範中大擅風流合坐寧持障去

長筵要賭圖月涼金絡索樹罨玉雕鏤虎氣名王暗魚腸猛士

休夜循山徑滑風埽石牀幽苑老梧桐未仙如玉蕊不歡娛原

夢幻閨閣得清游自昔承華族為昏嗣好速謝娘推爾秀衛叔

每予羞寒地來簫鳳貧居似雨鳩牽蘿補屋短落葉仰薪調已
作秦人贅常聞楚國咻天涯滯王粲地下怨黔婁蕉萃蓬雙鬢
天闕土一抔焚黃餘涕淚告墓遲松楸此事非慳及它季可再
求乾隆三十六年十一月廿五日 覃恩以妻封移贈先紫泥雲爛漫薑菜冷
祖母四十五季正月一日 覃恩以妻封移贈先叔母

蕭颺嘗盡如茶苦如何足抵酬

野豬峰十六韻

峰在崑山縣山之一峰也以形似得名老僧具宜構庵峰下又構小亭庵外榜其楹曰但能留客坐不必問誰居子

爲諸生時與盛君雲思試詩賦於使院暇共出游憩此亭上望見芙蓉界橋修竹開樓乃訪其庵具宜物二載矣其徒薄禮其塔亭壁有豬字韻詩予與雲思各疊和十首明日重粉亭壁壁稟書之後數季雲思亡又數季當縣儉歲庵僧不循戒律奸民拆庵與亭賣之而火其竹樹焉烏乎不及三十季而同游之人所游之地雲煙如此安得不悲也哉兩人之詩聞輯縣志者錄之而予皆佚其棄故爲此詩傳遺事云爾

庵在芙蓉裏花明野納紅雪濺多近壑溪淡若無風細路茶煙
起斜光竹翠通孤亭能入畫攜手此時同巔男羣峰秀圖形萬
彙雄出林爭虎豹倪礪亂熊粉壁留題滿蒼厓著句工格嚴

無與敵韻險必按窮文戰新纔捷

是試君第一

詩壇舊有宗辦香千載

上國士大江東乙乙思垂盡

學使評君卷曰思乙乙其若拙

茫茫恨豈終憐君埋玉

樹辭世斷枯蓬碑字荒王中監興謝遠公佛家猶有劫存者已

成翁交忝蕭朱末悲含孔蔡中青山無恙任重到亦孤鴻

橫澤二十六韻

何生一鵝兄弟義門學士之從孫居橫澤在吳郡城北十里掛密三徑開筵五日割全豕待子庖味甘美逾常皆其堂

上監視之樂二子之得友於子也并出學士太翁遺像求鵝即一鵝之曾祖也諸之未有以應遠宦積年記其風景貽詩二十六韻令裝背畫像之後

舊族通家好先兄何氏姻

先嫂何氏

義門擅名譽橫澤有居人賢母

能知禮呼兒爲歎賓野航雲水濶藥圃艸堂隣昏黑來登岸寒

暄語及晨承招愧徐孺謬賞到張馴明日開芳宴秋光屬令辰

書堂藏密樹水檻憩垂綸老屋安衣食先人本搢紳闕屏荷嘉

許剡薦咲孤貧霍霍剡全豕紛紛暨八珍大螯膏似火鮮鱖脊

如銀精膳良無匹清醑第一醇何煩絲與竹痛飲那連申頽醉

難勝掖高歌覺有神堅畱五日別古誼十分親暇出祠堂像求
顓歲月眞阮孚原野屐郭太本山中修爪龐眉樣香囊玉軸陳
配林先泰岱劒口積峨岷令子航文史詞垣作鳳麟謂蕭先生發祥
推所自遺蔭絕無倫二蔣今殂當時酒客孤懷重鬱堙江湖一斛
酒風雨幾年尊頭鬢雖蒼白詩篇或雅瀉寄君裘卷後祖德鎮
長新

元延銅歌

銘曰長安共廚銅三斗銅卅枝第廿重十五斤八兩元延元年十
月造

溼銅形與溼洗似元延製後元康眞鸞環雒誦卅五字不見其
爵見其屑孝成改元十月造長安廚器精絕倫三十枝中第二
十受三斗重十五斤天子荒淫寵姊妹后妃爭妬啄子孫尚方
進藥不自飲嘗膽之苦同美人飛燕藥有苦口者
非帝舍吐不下咽此銅受酒不受藥
石華廣裊燕支醺猩屑鯉尾不足道玉食九州供八珍只今蟬

扁字如何莫唱當年赤鳳歌
彷彿團樂秋扇影可憐禍水長風波

一巷

一巷皆曉月東西古寺淡兩鐘
相對打如客對調琴

圖裕軒學士於漫圃之有闢爲邨舍號曰如邨次韻題

壁二首

去歲殘春候提壺爲歎門

予乞假同人餞於漫圃

久營花作圃又借屋爲邨

牛欄雞栖便蘆簾紙閣溫天寒要風雪好與孟光論

高士不多宅青山興有餘霜封林屋果雲護石牀書隨意開三徑安心課六如此爲齊物化真到物之初

題王文簡公藏書圖五首

尚書歸載五車書十匱黃金比不如
萊竹絳雲同歎息只畱一

畫禹鴻臚之鼎

江南書客賣書船明月紅橋櫻筍天想見少季司理日已鈔書

目寫雲煙

慈仁寺裏有書攤收得籤題逐卷看可惜築成書庫日人如花

老八分殘

竹垞撰池北書庫記時文簡季六十五六矣

緡書茗會賭良辰若个江東日暮雲頭白笑它朱十健甘蕉風

月受彈文

竹垞以鈔書被劾

名位詩篇近代無枕經莊史亦工夫書堂稚子來爭看也識先

生戴笠圖

十二月十九日東坡生日同人會於蘇齋聽高山人

育麟

彈琴

去季未與蘇齋會補詠邢房甫生圖次律琴衲久夢醒東坡笠

屐誰邀呼朝來琴客哀琴訪同我拜像蘇齋蘇海濤千秋酌醺
醪靈風一襲生香爐一絃初動聲何孤二絃丁東漏水壺或并
三絃作一弄君絃九覺跳平如珠如彼端人正士在臺閣要借
巨老相攬扶風雨雞鳴緇衣好祁奚叔向情似疎始知七絃不
肯一手用箏琶嘈雜非吾法只有滾拂七絃同用先生生日或吹笛南飛孤
鶴來江湖不蚤戢影避人去買田而歸何日乎蕉萃枯桐淪半
外嶧陽遺韻爭區區命官磨竭分肖定空怨蓬矢同桑弧吁嗟
乎高山人非絃非指妙入神十季曳裾不稱意法擅絕技長苦
貧人間不少陽阿舞勸君且學花奴鼓

小除夕記珠軒聽高山人彈琴了上人吹簫

太平心地最清涼安樂行窩占吉祥世外簫聲僧對酒歲闌琴
韻夜焚香債臺避債多寒舍春帖宜春有畫堂我喜不貧亦不

富儷拌爛醉答季光

竹葉庵文集卷二十一

竹葉庵文集卷二十二

吳縣

張真簡言

賜研齋集上

甲辰正月迄五月

正月廿五日銷假作三首

母器歸葬兄器繼昨歲扶攜檣櫓難田舍已荒猶仗俸妻孥相
慙不爲官同懷風雨摧花萼老境江湖倦羽翰寄語親家馮御
史朝衫重著愧君看

馮君屬子不應乞假此姻婭相愛而予兄弟私情不能自已也

昔賢兄姊奔器赴我側辭官爲病行多謝麥舟千數斛得歸柳
絮萬餘程恩償骨肉如償債義了艱難不了情不及渡江墳上
會兩季涕淚總從橫

更番重到直廬來幾個同季得共陪後輩自多角輩少蚤花待
落晚花開送人作郡季季有逝水流波一一催文正文襄俱宿

艸日長甌影與裴回

小松藏宋拓范巨卿碑
莊谷借寄京師乞同人題詠碑
未還而莊谷已歿覃溪裴其遺札碑後并寄小松二首
遺札題名在浮生急景催
山陽何日會北海故人哀雲暗殘碑
盡風高夜壑回
儒林終有傳玉樹已成灰

置酒微波榭

莊谷所闢眾芳園之水閣

風光迴不留白頭
無外友青嶂託虛角

蝨字重蕭索
鴻篇孰校讎
君如過關里一弔讀書樓

梅花美人

寶釧羅衣遇好春
美人魂魄是花身
輕寒輕暝江南夜
人寢梅花花寢人

月夜二首

新月如嬌女
姮娥漸漸長
要教圓滿夜
睂臉有容光

一犬吠花陰可以引眾犬東風乍悠揚不與看香篆

顯黃石齋先生詩刪真迹

先生授命在 本朝順治三年辛未六十二此

兒率志學又曰鼎兒亦清瀟又曰景兒有儒氣頗已知文字又曰歲兒在襁褓香猶未得見但能讀吾書即是展吾面按景兒云知文字則七八歲可知其時先生系當五十六七在崇禎辛巳壬午間謫戍廣西後之詩也

遺詩八九章銜苦心紆結當是謫戍後欲與世淩絕直臣不畏
外非無家室思瑾瑜牢自握蘭蕙亦就衰卷中勤誨子麋鹿與
麋麕襁褓未見面黯然爲開函慧哉蔡夫人寫經禮古佛先生
講皇極見佛若無物生兒漸離乳母教之無多夫惟忠孝人感
傷將如何

聖朝垂汗青鑒爾殷頑民刀鈇裂胷羞彼作二臣

時上命國史館撰二臣傳

九龍山看桃花歌

桃花九龍山下開山上並有桃花栽柳稊三月裊裊動春波十

里鱗鱗來此山合是臙脂作去聲或寓萬斛月砂胎空裏花頭交
湊合濛濛赤氣相裊回美人賜緋含咲壓連袂疊足胷肩偎不
能分樹分朵看亂紅多處皆天台行廚多謝羅燐炙眾客雜坐
休與儻舉酒招花花不語東風吹花墮我栢此花不入橋頭水
酒濃水淡花貪醅清明寒食誰翦墓黃鸝紫燕空樓臺如何眼
肯不行樂鮪魚梅子江南催醒中插花花中歌花顏略比人顏
酖獨露一株淡綠裏爲爾又倒金叵羅

文淵閣曝書有懷魚門乞假次覃溪韻

書閣春淡松翠融梯登四面氣靈通聖賢要識初枕地暮訓能
宣萬國風籤帙分明晴照裏綰繩收束御香中兩季乞假今
重到送客懷人又不同

矣

子於壬寅三月廿九日乞假與翁覃溪季桐齋飯於直廬
語別程魚門與翁季並賦詩送行今子假滿而魚門乞假

恭和

御製顓宋版春秋分記元韻

率經而國緯正朔具篇中

犧畫琳琅在麟經俎豆崇

君師原一揆

筆削到今同臣與鈔書目鑽研未易窮

丙申冬上以內府宋版書另編書目曰天祿琳琅八卷以別於四庫派臣填等十人繕寫書成各賞大綬一疋

顓洪上舍

範

畫種梅執竹圖送程魚門編修卜居江寧

次韻二首

先生老不帶經鉏畫个辛勤此屋廬巷巷六朝飛古燕鱗鱗一
水賣江魚竹分酒綠初開罌花與牆高好著書北固雲晴如問
渡石頭風滿禾愁予

藥徑分泥竈引泉白頭詩卷太平年兩兒兩妾能成宅有竹有
梅可當田老境栖栖惜筋力高名鬱鬱瀉雲煙那知樓閣華嚴
地真有餘錢買輞川

宋孝廉

葆淳

畫種梅貳竹第二圖再送魚門末章兼訊

袁子才翰林二首

少歲江船我每東娑羅樹下

在宏濟寺

候潮同全家春水誰歸客一

段斜陽幾寓公閒有心情桃葉渡絕無離別石尤風杖藜消受
看雲處竹韻梅香拓十弓

九曲青溪曲曲長朱簾垂下靜鑪香雨肥兒比黃梅熟坡暝公
如晚筍疆有此林泉有此屋不須富貴不須忙芳隣寄訊隨園
麥社鼓逢逢醉幾場

詠錢忠懿王金涂塔版

天目眞人有子孫錦衣玉帶作功臣躊躇八萬四千塔媵十四州送與人

春雨有懷故園之作

春雨檐頭最耐聽賣花天氣不須晴一池科斗櫻桃小四檻雲山水墨輕琴護蓑衣因客送酒來江岸有舟橫橫塘風景年年好白髮相思黯黯驚

題陸謐庭孝廉松下清齋圖

兩個長松與屋鄰風光迴勝綠楊春黃蠶素虵無尋處妙墨名香有一人釵細細長雲似縠粉娟娟淨月如銀世閒清福原難到不必江湖爲采蓴

題王上舍

尚珏

蓬萊閣讀書圖二首

蓬萊閣上風冥冥刻石之杲燒

去

六經如何後世讀書客不畏

大魚來出聽

文石遙連彈子渦濯纓濯足且滄波奇書原在蓬萊頂不到三
山可奈何

涼棚

繩席爲舒卷書窗借蔭過偶然嫌趙盾不礙近常娥鳴雨船蓬
似含風豆架多晚攜小兒女醉坐醒吟哦

冰

官冰猶未送五月初
機送冰巷有賣冰人小作礬山供相於黍几親凍蠅
能塌翼沃鼠漫焦身要爾陪三伏炎炎耐此辰

王瓜

百錢買一對京師獻新
論對以賣小比五銖輕蚤出矜時運鮮新閱世情權
容如臂大好待滿園生惆悵霜瓷定廚孃著意擎

櫻桃

江上野櫻桃過牆數尺高
艸堂畱一鎖邨鳥數千遭
又見筠籃物迭驚雪鬢毛
彫零諸酒戶不似舊時豪

後園晚坐

半日雷催雨牆頭又夕陽
棗花香似蜜禽噪脆於簧
貧賤爲身累碑銘與世忙
白頭當此景殤詠亦何妨

戲爲陳生賦橘枝詞題盡三首

江上秋蘭纔過時江頭秋景木奴知
儂家水調多翻徧只合船
脣唱橘枝

一幅風篷滿滿添不收蓬脚晚風尖
與郎使方言謂使風也到岸邨宿橙

子酸酸橘子甜

與郎同上八詠樓與郎同作爛柯游
駢黃怕子分紅橘秋水茶

鑑此一月

送胡書巢太守以郡丞補官並寄陸青來方伯

西蜀移官東海東蓬萊閣上有天風十季作尹多稱佛今日爲
丞不怕聾蒸米盡殘猶對局船非全泊略收蓬青來清德兼師
友好與商量出處同

蚓

艸堂風韻晚來天最好瓜塍雜芋田一穴自藏雲外雨數聲相
近水邊煙螢光熠熠人墟市鼃部喧喧物管絃此景季時忘不
得橫塘東去太湖連

細雨

細雨輕雷半夜聽朦朧枕簟意惺惺浮生離別原嫌促好寢流
連不願醒當閣涼風皆蕙畝隔簾小婢奉銀餅驚鴻照影橋頭

水可是無緣不再經

雨中漚

山雨坳堂特地浮
雨中成就雨中休
老夫不到黃梁熟
看盡千漚與萬漚

孫喜印歌

孫郎

衍星

寄示孫喜印是其小名命曰喜父母授悅祝長年賀客

在門奉弧矢冠而讀書破萬卷讀書只到秦漢止
瘳不勝衣貌失之長頭大鼻等閒耳丈夫詭異生此才
要不無名沒濛汜如何三十不稱意落拓醉禿長安市
市有小印漢時造繆篆蠟模實如此今之孫喜熟六經
漢之孫喜無名子千數百季落君手劫火燒賸珊瑚紫
人爲孫郎賀我爲印賀矣一物精靈天地間茫茫覓人
九衢裏既無零丁帖子在又非插標以賣爾何緣相

識便逢君摩挲情意柔如水孫郎孫郎爾亦自珍重莫與嬰童
患子印臂用好待千秋箸述成卷卷新書同壓縫

後園雜詩六首

吹盡榆莢錢蟲絲墜曉露不能松柏堅去季折半樹

榆

裊裊復裊裊今季祝有秋鄰家梯可采一半出牆頭

扁豆

萍秀紀夏正老而昇作帚要使治堂階一塵不許受

萍可以爲帚也

彭亨未結食花已繞吾廬老夫辟諸釣所得不枉魚

茄

青趺承黃萼掩映晚風吹收成作圓藥客悅感君知

赤包子

遇酒便成會逢花總是春無愁亦無喜無事卽良辰

長春

恭進

聖駕六巡江浙詩四首

時巡諏吉五雲連翠罕朱旗日月邊一道金隄看護海萬家春

柳欲浮天魚龍氣靜滄江楫菰米香濃
御仗煙要使東南諸地利

聖人籌及萬民先

六度承恩輦路過雨暘寒暑並調和

治先衣食農桑重人覺期頤耄耋多豐樂
常年頻減賦太平有吏少催科

幔城夜肅期門士風送鄉邨擊壤歌
湖山選勝建書樓

三閣岩堯最上頭

天子傳經開溼殿諸生鼓篋到瀛洲
考文議禮歸

皇極養老尊師錫

帝疇

聖聖心源東魯在宮牆六拜肅

宸旒

孟夏風光屬令辰
龍舟回棹拂芳蘋
花開水驛晨光燦
詩寫江山

御筆春介

壽三元逢歲甲延

禧五代自天申
一芹一曝蒙

恩德總紹千祥奉

紫宸

鉏園

穀者命之本
蔬者穀之餘
今季少春雨
乾菜無一儲
入夏見瓜瓠
價貴如花豬
百錢上市買
不足半盎菹
闔人步後園
喜地且曠
如有百鳥鳴
交柯紛薪樗
下有百蟲穴
荒艸因泥淤
不如罄斬刈
方圓界一祛
蠻奴慣阡陌
長鑱東西除
畀地力顯如

毛一受梳倉皇諸蟻垤蕩析門戶居一一付崩裂不得安故墟
我謀爲口腹犇竄乃累渠老槐在牆根徙爾莫躊躇可以保家
室風露樂相於珍重全性命毋爲疆者咄鉏罷山雨來我擬種
雜蔬廚味久蕭然忍饑姑俟諸人力若不勤生計曷以紓無功
而食祿奇禍緣包苴

雨

罷直無客來閒景最宜雨今夏出新意樊遲請學圃賃屋月八
千湫隘小庭戶只喜屋後地空曠非斥鹵木犁一翻騰無蔬不
可樹大塊破之小惡艸聽其腐雲雷起東北雨陣適過午急點
洒芳園如兒得湮乳溝渠漸四溢潺湲受以土水土合精氣細
組人莫覩遇有甲坼者刻刻青鍼吐皇天無私情稗蕘亦鼓舞
有生必爛漫被闕乃錯迕農野視官人高與霄遠伍豈料生事

拙牛在媿餽。丈夫灌園老。此亦未爲苦。讀書昧經濟。章句迄
何補。聖賢享大烹。功德權千古。自揣一日爲。能否勝廚簿。賤子
食其力。庶祛鬼神怒。

種蘆菰

歲月當自惜。黃金不可求。以爲子孫訓。不如從耕耰。吾畦頗不
廣。五月涼風稠。晨光雨初霽。盡畆分良疇。根苗皆可食。蘆菰亦
芳羞。播子概從密。且芟且可畱。尚須九十月。收斂屆晚秋。廿口
食一斗。輟釜酸鹹謀。所種無十斛。能益豪末不。那得竊息壤。可
湏洪河流。吁嗟誠繆誤。仰給安擇周。吾無壽百歲。何作千歲憂。
東家始阜隸。西鄰起屠牛。不耻不慎術。泉刀滿牀頭。鼓鐘列五
鼎。鄭衛揚清謳。彼自善行樂。吾亦淡無愁。

復雨

蘆菰既下子累日怕乾嘆擔水水泉遠蠻童汲井憚督領若太
苛事必敗於悍彼亦猶人子詎忍肩肉爛半夜響瓦校料是雨
點亂涼鐙倚在壁斜風暗開幔喜心不遑寐推枕乃待旦天欲
濟吾事相湊不能算積地溝水滿仰雷星光粲行園躡雙屐似
到野田岸鼃股擲復鳴鼃絲溼不斷四鄰無人聲艸露瀉混沌
吾視吾種哇青青茁堪玩力小莽負土殼細獨帶幹陰陽受鞭
迫風雷交布渙甄不可終日渾噩於此判天道盡呈露人事要
衛扞童正不失蒙卵成寧毀殿老夫食指動嘗新在秋半

隙地童子錯種煌艸既漸生活亦不拔棄

煌艸無用物乃擅九穀利種煌勝種花葉大枇杷翠羅采皆銅
山叫賣雜酒肆涼曬聶切法子詩姑未備公卿及窟戶閨房到
童穉結習多嗜之滿屋雲煌醉吁嗟此蠢民奪盡閒田地吾園

賸半角小豎矜新智乘雨插煙秧亭亭伴野致明知非蘭貴不
忍作韭棄天生植物中野葛水莽類宗生山澤閒流毒最心悸
手且無斧柯不能操斲秘矧此非極惡爰書在其次不見霜降
時根亦摧薪使

園中雨望又恐積水有傷吾圃

倉庫要牆高園居要牆短四隣之煙雨會於吾書館樹未秋風
涼人作春癡嬾妻子在眼肯不是無伴感念關山人路滑欲
賜斷誰家治晚炊野火溼禾稈吾亦待飯來一盞一酒盃盃中
何所有瓜豆盛未滿此物漫輕看今春初苦旱近又積潦淡小
車入城罕老夫關一畦爲計苦迂緩戢戢水損苗幾時飽胃腕

種菜

初伏種蘆菔三伏種冬菜江北擅黃芽江南產弗逮安肅李秀

才牛車常捆載老夫乞假去書局有受代此人亦不來炎涼感
鄉背人不如此物見霜而久耐雨苗與煙甲一氣如潑黛今季
三月閏蚤種頗不礙停鉏夕陽裏買種上聲老園內圓猶藥丸勻
細於魚子碎一家妻孥蔽五穀乾坤配待其長成時芝菌亦引
退馳蹏猩猩脣通過弗能再百季得長享所以不可廢不才山
澤士寂寞漁樵隊逢時則摺紳縮縮含赧態門生餽蟹諱室婦
齏鹽對非分食珍錯無不成瘕塊而何班之人至歾卒不悔吾
生寄此畦堦緣有所在

芟蘆菰

蘆菰種盈旬其葉大於掌其根旋下達如芋略可想初時播子
密根多不並長十拔棄八九始覺吾地廣由是畜養成秋浹兒
臂仿拔根必連葉予心鬱怏怏青青正滿畦雨後越滉漭空園

本無花遇葉亦可賞如何忍汰之並生獨受枉園丁乃大咲全
兩則傷兩不拔根又大塞破徧九壤口插幾張匙物多而盡享

茄子試花

人家種春茄吾家種秋茄春秋運遲速結實無爭差朱門厯肥
炙易視瓠與瓜不知天下利多本農圃家童子朝開園紫氣如
山霞花頭悉倒挂八出爛漫佳盛者八瓣一花報一實是物無空葩
先具彭亨兆徐露蕤芽比諸古丈夫不以輕諾誇老夫禿相
賞勝過牡丹花